



Ko na kraju svakog namaza prouči 'subhanallah' 33 puta, 'elhamdulillah' 33 puta, 'Allahu ekber' 33 puta, a to je ukupno 99, i kaže upotpunjavajući stotinu: 'La ilahe illellahu vahdehu la šerike leh, lehul-mulku ve lehul-hamdu ve huve ala kulli šej 'in kadir' - Nema istinskog Boga osim Allaha, Jedinog, On nema sudruga, Njemu pripada vlast i Njemu pripada hvala, i On je svemoćan - oprošteni su mu grijesi, pa makar ih bilo koliko je morske pjene."

Ebu Hurejre, radijallahu anhu, prenosi da je Allahov Poslanik, sallallahu alejhi ve sellem, rekao: "Ko na kraju svakog namaza prouči 'subhanallah' 33 puta, 'elhamdulillah' 33 puta, 'Allahu ekber' 33 puta, a to je ukupno 99, i kaže upotpunjavajući stotinu: 'La ilahe illellahu vahdehu la šerike leh, lehul-mulku ve lehul-hamdu ve huve ala kulli šej 'in kadir' - Nema istinskog Boga osim Allaha, Jedinog, On nema sudruga, Njemu pripada vlast i Njemu pripada hvala, i On je svemoćan - oprošteni su mu grijesi, pa makar ih bilo koliko je morske pjene."

[Vjerodostojan] [Hadis bilježi imam Muslim]

Poslanik, sallallahu alejhi ve sellem, u ovome hadisu pojašnjava sljedeće: Onaj ko nakon završenog farz-namaza prouči: 33 puta subhanallah, što znači da se negira da Allah ima bilo kakvu mahanu. 33 puta elhamdulillah, što označava iznošenje pohvale Allahu putem spominjanja Njegovih savršenih svojstava, koje je popraćeno ljubavlju i Njegovim veličanjem. 33 puta Allahu ekber, što znači: Allah je najveći i uzvišeniji od bilo čega. Stotina se upotpunjava riječima: "La ilahe illallahu wahdehu la šerike leh, lehul mulku we lehul hamdu we huwe 'ala kulli šej'in kadir." Ovaj zikr označava da nema istinskog boga koji zaslužuje ibadet, mimo Allaha, da samo Njemu pripada potpuna vlast i da samo On zaslužuje pohvalu koja se treba iskazivati uz ljubav i veličanje, te da je On u stanju sve učiniti, ništa Ga ne može spriječiti. Onaj ko to kaže, bit će mu izbrisani grijesi i oprošteni, čak i ako ih ima poput bijele pjene koja se stvara na površini mora kada se ono zatalasa i uzburka.

النّجّات الخيريّة
ALNAJAT CHARITY

